

Ngāi Māori me ngā kāmara haumaruru

Kei te whakapiki a Waka Kotahi i te maha, i te momo hoki o ngā kāmara haumaruru, ā, māna kē ngā kāmara a Ngā Pirihimana e kawē huri noa i te motu.

He aha te take me whai i ngā kāmara haumaruru?

Hei hoa hourua ki Te Tiriti o Waitangi, e ū ana mātou ki te mahi tahi ki a ngāi Māori hei whakapai ake i te haumaruru huarahi mō ngā whānau, mō ngā hapori anō hoki. Kei ngā wāhi e tino hiahiatia hei tiaki kia haumaruru ngā whānau, ngā hapori hoki ngā kāmara.

E ai ki ngā raraunga, e pānga pāhikahikatia ana a ngāi Māori e ngā tukituki i ngā huarahi, arā e 32% rātou o ngā tāngata ka mate i ngā tukituki aituā ina he āhuatanga te tere.

He mea āwhina ngā kāmara haumaruru hei whakaheke i ngā mate, i ngā whara taumaha i ō tātou huarahi. He mea whakamahara ngā kāmara kia haumaruru ngā tere e haerehia ana, ā, kia haumaruru hoki ō kōwhiringa taraiwa kia pai ai tā koutou ko te whānau hoki atu ki te kāinga.

Ina pā tētahi tukituki, nā te tere e hāereere ana pea te rerekētanga i te mate, i te whara tahuri i tō ao, i te hīkoi atu karekau te whara rānei.

E whakapaetia ana kia whakaheke ngā kāmara haumaruru i ngā mate, i ngā whara taumaha mā te āki i ngā tāngata kia taraiwa i roto tonu i ngā tepenga tere, kia whakaute hoki i ngā rama whero.



Te tuku karakia i te wāhi kāmara haumaruru i waenga i Kawakawa me Moerewa i te Tai Tokerau.



Mō ngā uiui me haere ki nzta.govt.nz/maori-and-safety-cameras

Hei whakarauora i ngā tāngata, kua hei kimi pūtea

E whakapiki ana mātou i te maha, i te momo hoki o ngā kāmera haumaruru hei whakaheke i ngā mate, i ngā whara taumaha i ō tātou huarahi, kua hei kimi pūtea.

Ka whakamahara ngā kāmera haumaruru i tēnā, i tēnā kia whāia ko te tika kia haumaruru te hoki atu a ngā whānau ki te kāinga. Kāore koe e mate ki te utu i ngā utu takahitanga (infringement fees) mēnā ka hāereere koe i roto tonu i te tepenga tere.

Ina kuhu atu koe ki roto i tētahi rohe kāmera haumaruru pūmau, ka whakamahara atu ngā tohu i a koe kia hāereere koe i ngā tere haumaruru, kia whakaute koe i ngā rama whero hoki.

Kāore a Waka Kotahi e whiwhi i ngā pūtea i ngā kāmera haumaruru. Ka tukuna ngā utu takahitanga ki te Government Consolidated Fund.

Momo kāmera	Te whakahekenga e whakapaetia ana mō te mate, mō te whara taumaha hoki
Tere toharite	48%
Tere pūmau	20%
Rama whero	27%
Neke haere	15%



He aha ngā raraunga ka hopukina e ngā kāmera?

Ka kitea anake e ngā kāmera te teretere, te 'rere noa atu' i tētahi rama whero rānei, i runga i te momo kāmera. Ka mau i ngā kāmera ngā āhuatanga pērā i te tere o te waka, i te rā, i te wā me te wāhi o te pānga, i ngā whakaahua o te waka, i te ara, i te momo waka anō hoki. Kāore ngā kāmera i te hopu i ērā atu mōhiohio, i ērā atu hara rānei pērā i te whakamahinga waea pūkoro, i te mau tātua here rānei, i te Whakamana Waka, i te Rēhitanga Waka rānei.

Ka pēhea te tiaki kia haumaruru ngā raraunga i ngā kāmera?

Kei ā mātou pūnaha ngā tikanga whakahaumaruru hei ārai i te ngaronga, i te whakamahinga hē, i te panoni rānei o te mōhiohio. Ka puritia e mātou ngā mōhiohio i hopukina e ā mātou kāmera haumaruru mō te tae atu ki te whitu tau, i runga i tōna momo. Ka tiri anake mātou i ngā raraunga hei whakahaere i ngā takahitanga, tērā rānei, e ai ngā here o te ture. Ka hopukina hoki e ngā kāmera haumaruru ngā mōhiohio ehara i te whaiaro mā te rangahau, mā te tātaritanga hoki o ngā mahi i runga i ngā huarahi.

E mōhio ana mātou he take nui te whakahaumarutanga raraunga ki a ngāi Māori. Kei tō mātou rōpū tohutohu Māori mō ngā kāmera haumaruru ngā pūkenga ki te whakahaumaruru raraunga, ka āwhina ai hei whakarite e whakaaturia ana ō āwangawanga ki ā mātou tukanga.

Ka pēhea te whakahaumaruru i ngā raraunga Māori?

E whakaūngia ana e te Rangatiratanga Raraunga Māori me noho te raraunga Māori i raro i te mana whakahaere o ngāi Māori. Mā konei e whakaahei a ngāi Māori ki te whakamahi i te raraunga hei whakatutuki i ngā tūmanako pērā i te whakapai ake i te haumaruru huarahi.

Kua āwhina mai tō mātou rōpū tohutohu Māori i a mātou hei tautuhi i te raraunga Māori hei raraunga ka whakaputaina e ngāi Māori, waihoki hei raraunga mō ngāi Māori, mō ngā taiao hoki he hononga ō mātou ki ērā.

Kua whakamanatia tēnei tautuhinga e te Waka Kotahi Digital Executive Steering Committee. E mahi ana mātou mō te pēhea o te whakahāngai i tēnei tautuhinga ki ngā raraunga ka kohia i ngā kāmera haumaruru.

Te āhuatanga o tā mātou mahi tahi ki a koutou mō ngā kāmera haumaruru hou

Tautuhia ngā iwi, ngā hapū, ngā hapori Māori i te wāhi e marohitia
ana mō te kāmera

Rangahaua te tūhononga o mua ki ngā iwi, ki ngā hapū, ki ngā hapori
mō ngā kaupapa ikiiki

Hangaia ngā hononga mā te whakawhanaungatanga

Whakarongo ki ngā tūmanako a ngāi Māori mō te haumaruru huarahi

Kimihia ngā tirohanga, te tautoko hoki o ngā iwi, o ngā hapū, o ngā
hapori Māori hoki e pā ana ki ngā wāhi kāmera

Mahi tahi ki ngā iwi, ki ngā hapū, ki ngā hapori hoki hei tautuhi i ngā
āwangawanga mō ngā wāhi tae atu ki te mōhio mai mēnā he wāhi tapu te wāhi

Whakaaheingia te whai i ngā tikanga e tika ana ina tīmata te hanganga

Ngā whakawhitinga kōrero haere tonu, ngā hui hoki ki ngā iwi, ki ngā
hapū, ki ngā hapori hoki mō te kauneke o ngā kāmera haumaruru

Mahi ngātahi ki ngā iwi, ki ngā hapū, ki ngā hapori hei whakamōhio atu i a ngāi
Māori i tō rohe mō ngā kāmera haumaruru, mō te haumaruru huarahi hoki

E hia te utu o ngā kāmera haumaruru?

Ina kitea e te kāmera haumaruru tētahi waka e hāereere ana i te tere tae atu ki te 50 km/h i runga ake i te tepenga tere, ka tukuna e mātou tētahi pānui takahitanga. I waenga i te \$30 ki te \$630 ngā utu i runga i te tere i kitea. Ngā utu i tēnei wā i te Hune i te tau 2024.

Me mātua utu e koe i mua, i te rā tonu rānei i te pānui takahitanga.

Ina kitea e te kāmera haumaruru tētahi waka e parahutihuti ana te haere i te tere he neke atu i te 50 km/h i runga ake i te tepenga tere, ka tukuna e mātou tētahi pānui hara ikiiki (traffic offence notice). Nā te mea he hara taumaha tēnei, ka tukuna pea ngā whakapae ki te kōti. Mā te kōti e whakatau te whaina, te whiunga hoki/rānei.

I pahika te tepenga tere nā te	Te utu
10, he iti iho rānei	\$30
11-15km/h	\$80
16-20km/h	\$120
21-25km/h	\$170
26-30km/h	\$230
31-35km/h	\$300
36-40km/h	\$400
41-45km/h	\$510
46-50km/h	\$630

